



雙

溪

集



序

文豈易言哉必也窮乎天地之際察之陰陽之妙

遠求乎千載之上廣索乎四海之內無不知矣無

不盡矣且反之於身以觀其誠參之於氣以驗其

充浸灌乎道德而日新片異涌泳乎仁義而遲之

又久積諸躬矣達乎氣矣然後左禮而右樂莫非

文也固規而方矩莫非文也聽乎其言溫恭而不

卑峻厲而不亢莫非文也察乎其心中正而和平

虛明而淵通莫非文也徵乎其家其家莫非文也

察乎其政其政莫非文也此則不求文而文成焉

楚序一

乃天地間之至文也辟之千章之水紛溶箭參上

摩霄漢者以其根也百川之水宛渾膠膠盜東達滄

海者以其源也導川者不憂流之不延而恐源之

不涸植木者不患枝之不蕃而慮本之不培培其

本深其源其延其蕃也孰禦之哉斯道也聖人得

之則傳之萬世爲經賢者得之則放諸四海而準

輔相天地而不過昭乎日月而不忒燮理四時而

無愆或者曰我竊力而學爲文吾知其必不能也

彼其俗學紛紜而莫之有定驚高遠者宗恍惚而

談懸虛尚靡麗者騁浮辭而矜縟製猶之金貝珎



國朝

大清

乾隆

瑚水難火齊可珍之物出橐而紛葩升槃而回繁
非不灼灼可觀也然寒焉不足爲之衣饑焉不足
爲之食求其若布帛菽粟之濟於用幾何哉吾讀
桐城大宗伯公文與詩若有以啟予者先生稟光
嶽精靈之氣鍾秀拔冲粹之質凡天文地理之要
禮樂政刑之詳治亂因革之變草木蟲魚之細與
夫百家衆技之說靡不究心故其爲文滃然而雲
雷興沛然而河海流蔚然而蛟龍升彪然而虎豹
騰煦然而百卉滋穠麗之極固若未易得其涯涘
及其造乎平淡淵微則又若太羹元酒不假調膈

趙序二

而至味自具也由公以六經爲本根史漢爲波瀾
諸子百家爲奴隸以修之身者而修辭和之心者
而和聲成之德者而成文是以值鼎新之運逢
至聖之君天縱睿哲游心精一公出入承明身近
光華忠誠素貫上廡

睿知凡雄文大冊黼黻制誥多出燕許况典章儀
禮則

禘社宗廟山川百神之典觀享宴慶禮樂律曆衣
冠之制遠方朝貢賞賚之儀及

寶冊勲封

徽章鴻伐之文一一論次撰述使郁郁之盛遠軼三五而陋漢唐宋於不居焉至於海內名山大川釋老之宮王公墓隧之碑得公文辭以爲榮片言隻字流傳海內咸知寶愛文學德行卓然名世羽儀斯文輝煌治具豈淺鮮哉從來一代之興必有非常偉人樹駿流鴻拔龍附鳳際風雲而依日月勒鼎彝而照汗青古稱三不朽立德立言立功有一足傳兼斯邈矣此其道如登泰山之巔極乎日之所至而水則江海淮泗山則鳧繹龜蒙周秦齊魯滕薛鄭梁衛趙韓魏人民之繁鮮土地之廣狹

趙序三

皆得之於心故言之而不誣問之而無不知若夫澤中之夫升尋丈之邱而望焉所見不過東阡西陌雞犬牛羊蹤跡輒遲智以談於人終不暢達而順適何者所見高下之不同也又如貴介之士章服之美黼黻之繡玉珂之鳴環佩之飾惟其有之是以榮之若使田夫澤叟披蓑戴笠而入朝堂見之者有不訝哉更如大烹之奉豹胎之珍駝峰之異猩唇之饑熊掌之膾惟其飽之是以美之若使山癯村嫗爨糠粃而談梁肉聞之者有不非而笑之也哉何者由來之厚薄美惡有殊也文之知道

與不知道何以異此然則學者欲爲文尚浸灌涵
泳於道德仁義也哉康熙戊寅春趙士麟撰

趙厚四



與不知道何以異此然則學者欲爲文尚浸灌涵
泳於道德仁義也哉康熙戊寅春趙士麟撰

篤素堂文集序

儒者居今稽古以道德文章蒙知遇被顯擢在密勿論思之地晝日三接夕漏不休造膝之謀伏蒲之語同列不聞外庭不知推贊與能慶流朝著橫經講藝澤及生民彌歷歲年延登受策於斯時也當大有爲之日贊不世見之功盛矣哉舊典所垂道烈罕覲休休乎濟濟乎天開日晶與五曜三階爭光暎采可也豈猶與夫庭墀郎署備官散秩以及窮巷布衣韋帶之士競秀摘華角一字句之勝負斬榮名於蠹書蠹簡之中也哉雖然蓋自學術之不明久矣古之儒者窮經研義文禮詩樂治性理物罔可闕如况輔翊化成經緯羣倫而委棄大雅其謂之何此一代偉人神明寄託高標霞舉流輝成文有不斲其然而然者非夫人之可仰而測其津涯者也余於相國桐城先生得斯義焉先生湛深經學執德不渝非道不處解巾釋褐仕爲史官其時已有終焉之志會

陳序一

禁林建直隆學遴賢自是以來先生蚤夜侍焉積二十年餘而枋用余前所云儒者以道德文章蒙知遇被顯擢論思延登濟濟休休者公皆有

焉而不以自居神明寄託嘗獨在於邱中田間野
雲流泉岑寂之地既操筆

內廬暨鈞衡台席以經術潤邑廊廟浹幽遐時
以其意發爲詠歌高文清思孤行獨賞田家漁父
樵夫牧童則儲公之格高調逸趣遠情淡也在泉
成珠著壁成畫則輞川之秀詞雅韻意愜理精也
以至香山之挺出於長慶蘇陸之各擅於南北跡
其流風會其神解皆超然於自得之餘此其有意
焉競秀擣華角一字句之榮名者哉蓋先生之
所蓄積者然也竊達不異其操約樂不改其度故

陳序二

其得於心而溢於辭者有不蘄然而然者矣先
生之詩必傳於後宜擇可傳之人而序以傳之余
忝從先生後時在

直廬先生每以茲事屬余余遜謝不遑於今十
餘年所矣而先生督之不輟余以先生之文
鋪陳鴻業鼓吹斯文數爲典誥伸爲雅頌者能言
之士必將誦說而傳之而獨取其義於斯者是亦
先生之志也夫康熙辛巳秋七月二日高都陳廷
敬誤

序

難進易退大臣之節然大臣之退不易也當其進時結自天之知受甚盛之寵或至於不可以退卽知退而已不能所以難也君子則不然舒可以卷顯必用晦夫非老氏知止足之謂蓋不待足而無不足也不待止而無不止也其斯爲無盈無虧者與若我桐城公之受

上知可謂濶矣不夙則莫尅 禁廷將二紀一德同心謀謨叶贊不待爰立如內相不啻及相亦仍時時在直也先後 殊禮特賜不勝書如一日無

韓文一

幾微間然羨觀古君臣之相得寘諸左右以自近如公者亦多有而識者必欲要其後也其在退乎獨公所處愈高而畏約勤慎心益下造膝前席多社稷大計而公不居也不列密事不許人過汲引人才如不及而人亦不知也歸 賜第惟手一編蒔花鼓琴自娛世多剝啄之客埽門之人囁嚅趨不敢前也身在日月之傍可以如市朝而所求物亡其中則易退者非公其誰而猶請之數年可不謂難然如公之退真可以樂而忘老矣公卿大夫以及山野之騷人羈客盛爲詩以祖行詫爲僅

事茨不文亦踴躍不自體賦詩六章恨殊不盡復
鑽仰道德之高深萬一以僭爲之序公歸有園林
之適自作芙蓉雙溪圖記系詩二十六首勝情至
致讀者有褰裳之思茨亦老矣旦晚當引去請見
公山中爲公和之長洲後學韓茨序



韓序二

公山中爲公和之長洲後學韓茨序

韓茨序二

韓茨序二

韓茨序二

韓茨序二

篤素堂文集目錄

卷一

賦

瀛臺 賜宴賞花賦

喜雨賦

璿璣玉衡賦

南苑賦

駕幸闕里賦

懋勤殿秋蘭賦

賜金園賦

篤素堂文集目錄

雙谿芙蓉賦

卷二

頌

聖學時敏頌

昇平頌

至德弘仁頌

聖德仁明武頌

聖武三臨絕塞蕩寇功成頌

聖德勤民頌

聖德仁民天錫萬壽頌



卷三

表

恭進易經叅解表

謝

御賜書籍表

恭謝

特擢翰林院學士兼禮部侍郎表

恩賜宮紗謝表

恩賜羊酒食物謝表

疏

篤素堂文集目錄

二

請假歸葬疏

恭謝

天恩事

歲終彙進講章疏

題請

萬壽朝賀事

懇恩休致疏

題爲

聖謨廣運事

請恩乞休事

爲恭謝

天恩事

爲恭請

聖躬萬安事

卷四

序

丁丑會試錄序

恭進易經叅解序

恭進書經衷論序

陳問齋杜意序

篤素堂文集目錄

龍眠古文初集序

古今釋疑序

芸圃詩序

補礮居近科程墨選序

潘木厓詩集序

送李編脩厚菴 假歸泉州序

送耿編脩又樸 假歸省覲序

歸孝儀制義序

日照李氏族譜序

麻溪吳氏宗譜序

左國類序

黃柏山房和詩序

南汀詩集序

卷五

序

講筵應制集序

內庭應制集序

小學詳說序

山東通志序代

桐邑輿頌序

篤素堂文集目錄

張氏宗譜後序

孝烈詩序

蔬香集序

東畬集序

趙玉峰文集序

嶽言秘旨序

保艾閣詩序

履雪閣詩序

褚笠叟詩序

友閣遺稿序

山足和尚一莖草詩序

左長玉制義序

百石圖序

蠹窗學詩題辭

卷六

序

方母潘夫人七十壽序

潘母吳夫人七十壽序

封太夫人李年伯母壽序

侍讀繆念齋同夫人七十雙壽序

篤素堂文集目錄

五

大中丞安溪李厚菴先生壽序

卷七

論

韓愈溪得春秋之旨論

王者以教化爲大務論

中和位育論

格物致知論

太極圖論

不知命無以爲君子論

讀李文饒近倖論

卷八

記

思過軒記

賜金園記

學圃齋記

香雪草堂記

南軒記

北軒記

涉園圖記

篤素堂文集目錄

五畝園記

芙蓉谿記

御筆書雙谿恭記

睿筆書日涉軒蘭叢恭記

桃花流水扁舟記

垂雲亭記

浮山華嚴寺齋僧田記

癸未秋遊浮山記

卷九

雜著

御製文集恭跋

御製夏日登景山詩跋後

跋瑞隱寫手澤後

瑞隱寫手澤題跋

寫生十則題辭

紅木軒篆冊題辭

勉學箴

題仲兄湖上翁所書地輿圖後

姚珠樹公傳

湖上先生傳

篤素堂文集目錄

七

睿筆書山水清暉賜王石谷題後

題列國職貢圖後

題獨樂園圖後

寄李厚菴中丞書

寄叔兄西渠先生書

寄羹湖先生書

題閣部史公手札後

卷十

祭文

祭大司寇姚端恪公文

祭姚小山文

祭方侍御邵邨文

祭姚彥昭元配方孺人文

爲同年祭繆年伯文

祭 誥封恭人何姑母文

公祭 誥封太夫人陳太君文

徐母顧太夫人誄

祭冢婦 封孺人吳氏誄詞

爲同衙門祭翰林院編脩王夫子文

爲同門祭 誥封夫人馮師母文

篤素堂文集目錄

八

六姪琇瞻哀辭

二媳姚氏哀辭

仲兄桃村先生同仲嫂葉孺人哀辭

祭長婿孝廉姚東膠文

卷十一

行狀

先考 誥贈光祿大夫文華殿大學士加二

級拙菴府君行述

先妣 誥贈一品夫人吳太君行畧

誥封一品夫人亡室姚氏行實

誥授中議大夫 日講官起居注詹事府少詹事兼翰林院侍講學士冢子廷瓚行略
第四子明經廷璿行略

卷十二

墓誌銘

予告光祿大夫太子太保兵部尚書王公墓

誌銘 代

光祿大夫內秘書院大學士前太保兼太子太保吏部尚書孫文定公墓誌銘 代

奉直大夫工科掌印給事中孟起紀公墓誌

篤素堂文集目錄

九

銘

誥授正議大夫巡撫安徽等處都察院右副

都御史佟公墓誌銘

兵部尚書兼都察院右副都御史湖廣總督

徐公神道碑

奉直大夫戶部山西清吏司主事加一級房

師卽墨黃公墓誌銘

卷十三

雜著

飯有十二合說

卷十四

雜著

恒產瑣言

卷十五

雜著

聰訓齋語

卷十六

雜著

聰訓齋語

篤素堂文集目錄

十

篤素堂文集目錄 終

篤素堂文集卷一

桐山張英敦復著

賦

瀛臺

賜宴賞花賦

有序

時當清宴海宇謐寧

皇上以聽政之暇臨幸西苑俯念諸臣勞於職事
特行曠典

召集瀛臺賜之宴飲凡公卿侍從臺省之臣咸得
與於斯禮

溫綸春藹

篤素堂文集卷一

一

聖澤如天誠太平盛事千載一遇也

小臣

隨惇史

之末班幸際昌期躬霑湛露不揣固陋謹拜
于以誌其盛賦曰維濛濛之紫禁當宮闕之
西隅啓蔽垣之右掖居金兌之雲衢爲宴閒
之勝地比瑤島之仙都宮槐百尺御柳千株
山名萬歲鎮北極而環神武水遡玉泉入太
液而泛蓬壺清流潌洄於玉砌蒼林掩映夫
金鋪北則有瓊華之島窈蒼翠而玲瓏南則
有迎薰之亭燦余碧而穹窿蠶室峙其西蕉
園列其東其臨流也則朱闌繡柱者小雲之

榭其冠山也則穿雲竦漢者瀛臺之宮九島
紆折於百步三亭宛轉而相通浦號藏舟煙
波漾杳臺名垂釣淪漪旋繞雕梁落影於波
心瑤殿分光於霞表望雙闕之觚稜隔瀟湘
而縹緲好鳥集於菰蒲嘉魚唼夫蘋藻其制
作之麗密也銅龍噴水而泉落雲標金鳳銜
珠而光騰樹杪礎甃書蟠螭之象藻井有垂
蓮之巧水檻則下瞰潛蛟山樓則平臨飛鳥
其爲橋也石鯨飛動玉竦逶迤遙接乎西城
之陰遠通乎北渚之滑堆雲積翠龍臥虹垂

篤素堂文集卷一

二

帶晚霞而璀璨射朝旭而陸離其爲水也槐
陰蔥鬱松影參差琪花瑤草湘江芷江蘿圓殿
之古柏千層霄而蔽日兔園之薜蘿垂倒影
而臨池其爲舟也龍樓鳳舸望若丹霞月臺
宏敞僊鷁繁華開綺窗而近柳坐瓊筵而泛
花疑鑑湖之鼓楫髣銀漢之乘槎又有百果
之園百鳥之室桃韞黎有蕃其實孔雀鸚鵡
鴛鴦鷓鴣入瑤筐者珍果盈千閉雕籠者文
禽非一外則繚垣周布羅列星廬萬家隱見
於雲樹西山翠滴於庭除內則珠簾玉檻雕

龍綺疏耀晴雲與碧澗若水晶之映璠璣上
則飛薨寶頂纓絡瓊琚似浮空而未落出高
柳而憑虛下則流觴曲沼鳴湍石渠時潺湲
於水碓泉聲落而徐徐洶

皇宮之壯麗豈數乎瀛洲方丈之所書若乃時當
避暑新荷滿汀紅蕖吐艷翠蓋高擎千頃一
色紫萼朱英朝簾初捲望之若繁星之輝碧
落夕幔未收睇之如朱霞之在赤城獨其發
潛淵而振采泛清泉而濯莖實甘旨而芳烈
藕雪淨而冰晶製芰荷以爲衣豈同乎凡卉

篤素堂文集卷一

三

之徒榮所以風人采之媲美於幽人之潔楚
騷詠焉比德於君子之清爾其帶雨含煙飈
風浥露北渚叢生南洲密布時開時落或妍
或素曉氣空濛微香暗度此固景色之尤佳
而園林之堪賦者也

皇帝躬親庶政勤勞萬幾日旰而食未明求衣值
勵精之偶暇暫宴息於宮闈是時也晴雲卷
香露晞乘泐駕載鸞旂過垂楊之輦道臨沼
泚之芳菲喜棠棣之交映快花萼之羣輝乃
設玉醴布華筵開水殿對芳蓮金盤玉筋舉

網烹鮮

念諸臣之在職皆執掌於經年舉泰交之盛事同
慶賞於花前開堯室之衢尊列周京之豆籩
是時鴛鴦成行簪裾咸集佩綬懸魚聯珠合
璧露湛僊醪霞張綺席分左右而成行舒鸞
鳳之彩翻花夾岍而錦障生香柳覆堤而長
廊盡碧羣虎拜而揚休承

天語之渥澤如登春臺羣心悅懌

天子乃御畫舸泛南河篙師擊楫榜人和歌龍氣
遙成五采結飛蓋而凌波舟頻移於密藻櫂

篤素堂文集卷一

四

乃自轉於新荷起沙鷗與白鷺迎錦纜而偏多

命羣臣咸登畫舫大官設席酒正司釀水平若鏡
微波細浪擊汰乎臨漪之亭迴舫乎平橋之
上坐昆明之碧水眺香山之疊嶂極遊觀而
未已許溯洄而蕩滄舟隨浦曲人與花淡桂
橈頻轉蘭槳遙尋旣徧乎芙蓉之沼遠泊乎
槐柳之陰飫

君恩之無極感遭遇於臣心猗歟盛哉繼在鎬之
休風修曲江之遺事賞花垂釣嗣徽宋宗柏

梁賦詩軼美漢禋信可垂於國書亦足風茲
有位天池御苑以沅以游惠風遐暢嘉氣旁
流

皇心載悅羣工咸休以示慈惠匪樂優游期上下
之交勵當勉之乎爲楫而爲舟雖翱翔於西
掖而心實周乎四海與九州

寫書堂文集卷一

五

喜雨賦 有序

康熙十有七年季夏之月經旬不雨暑氣煩
蒸火雲麗空炎景爍物驕陽可畏炬燠有徵
帝心惕然念雨澤愆則難與豐穰之慶陰氣鬱則
恐爲災沴之由爰是發

德音下明詔懸鞞鐸求昌言嚴恭寅畏齋戒於
宮肅穆精誠禱祠於

帝致齋之次日乙酉陰雲四合電掣雷轟雨沛於
中夜禱祠之次日戊子涼颼候至煙霏霧結
雨澍於亭午於以滌枯潤槁育物寧人皆

篤素堂文集卷一

六

聖心爲之感而

天心爲之應也 臣近侍內庭備詳

宸慮職居惇史宜誌

天休猥以蕪詞忝茲盛美敢拜手稽首而作賦曰
蒼蒼無垠者有象之天天心之所屬兮則在
乎璇宮之側黼席之前蓋君身所以配帝而
主極所以承乾故明作而幽贊兮若璧合而
珠聯月維季夏律叶林鐘司辰者赤帝乘權
者祝融覩陽景之南至仰大火之昏中維斯
時也炎歊蒸鬱熾日蘊隆上無纖雲下無微

風陽坂飛煙於火井義輪銜耀於燭龍氣欲
流金威能爍石濯寒泉而猶溫對冰壺而如
炙力已倦於蒲葵衣不勝夫絺綌萬戶千門
六街九陌咸流汗之成漿或狂呼而動魄謂
今茲之溽暑實罕邁於疇昔雖迎涼之殿含
露之臺珠簾高捲綺窗洞開其如畏景暄赫
烈日昭回觸炎威之四至鮮薰風之南來列
土言子何以御之而冷然楚王何以臨之而快哉
是蓋夏無時雨陽愆陰伏積此亢旱蒸爲煩
燠胡以慰我三農長我百穀四野望之而警

篤素堂文集卷一

七

心萬夫因之而蒿目

天子曰咨在予一人雨暘有忒矜此兆民沛
王言之渙汗垂清問於絲綸爰咨卿貳民瘼悉陳
輟朝撤膳興於朕身將有事於

南郊先致潔於明禋於是端居穆清蠲慮靜志上
達穹蒼捷如符契雲油油而被天雷隱隱而
出地雨霏霏而入簾風依依而生袂聽靜夜
之霑濡愛宮槐之含翠此蓋

睿念之方輿已獲上靈之報賜致齋三日時維厥

明

天子乃御輕輦聽鸞聲享

園丘禮太清薦紫壇之圭璧奏玉琯之韶箠穆穆

乎皇皇乎覩千官之肅而咸師

一人之誠恫駕載旋爰居爰處惟德動

天翼日而雨石鷲雙飛商羊對舞雲興於西日之

方午始而度鳳城過龍樓氣靄靄而如暮聲

颯颯而兼秋浩乎如風檣陣馬之疾沛乎如

江濤波影之流已而滴漉飄揚滂沱汪濊細

珠濺於翠恩飛點侵乎綺綴其泛碧落而下

也若九天之瀑布高轉於銀河其綠鴛瓦而

篤素堂文集卷一

八

注也如百道之飛泉下垂於玉砌

天子坐廣廈啓彤扉歌有滄之萋萋詠興雨之祁

祁任輕霑於綺席從飄灑乎御衣

天澤無疆

宸顏有喜愛命侍臣憑高眺視優渥徧乎九垓霑

天翼足同於萬里豈止畿甸沐膏澤之施三輔獲

一人田疇之美猗歟盛哉古稱雨金雨粟雨玉雨

珠曷若茲雨澄暎涵濡涼逾瓊液甘若醍醐

良苗乍起酷暑潛驅登斯民於富壽之域又

奚有貧札之虞蓋由我

皇之德馨香上聞故其動於中也膚寸而雨徧天下
網緼若秦山之雲叟何藉乎土龍之逐逐
與巫史之紛紛古人之言諒哉人主應天以
實不以文

篤素堂文集卷一

九

其下曰文
與巫史之紛紛古人言諒哉人主應天以
實不以文
平澤餘香秦山之雲叟何藉乎土龍之逐逐
皇之德馨香上聞故其動於中也膚寸而雨徧天下

璿璣玉衡賦

粵稽古聖凜欽若於昊天伊咎哲王重仰觀
於懸象自迎日推算肇起軒皇迨定曆授時
首詳堯帝蓋法其廣運所以符乾德之貞紀
其邈遷所以重民事之序然九垓八埏之數
既寥廓而難稽四時五紀之行亦紛繁而莫
辨故觀天有器窺象有儀曰周髀曰宣夜曰
渾天法已傳於邃古曰三辰曰四遊曰六合
製漸備於疇人爰考虞書設璿衡以齊七政
歷稽漢制鑄銅渾而象九圍黃道分二極之
中日月周於天紀銀漢貫列辰之次經緯燦
於雲衢布位以象星躔數珠璣之鎔落設管
而窺辰度琢瓊玉之玲瓏惟此制器之神奇
允爲言天之規矚法以久而益密繼之者漢
有張衡思以巧而愈精窮之者元推守敬我
皇上稽古正學敬天勤民睿哲性成寶鼎呈祥於
炎曆雍熙時協奠階紀瑞於堯年綏六宇而
泰階平撫五位而文昌耀靈臺測景特專儀
象之司玉曆調元遠紹重華之日蓋由

皇上心與天一智在器先恭默足以窮神聰明尤

能察物故不獨微危精一遠繼美於虞廷敦
典慎徽上嗣休於瀉水卽璇衡之制今古同
符敢拜手稽首而獻斯賦賦曰維乾象之灝
灝渾周經而無端故擬之者如倚蓋而象之
者如彈丸或景長而多暑或晷短而多寒其
數之無可紀極也雖隸首而莫殫古人以神
靈之絕智創儀器之精微爰恣天而奉若實
先天而不違定兩極之南北持二儀之樞機
星辰隨而耀彩日月轉而周輝齊消息於陰
陽窮天地而範圍其爲器也或謂肇自宓義

或謂原於帝嚳馬融歎其精而王蕃踵其躅
經漢唐而代新歷宋元而遙續仰以協乎天
經而俯以維乎地軸其爲制也動隨日馭健
應乾行運宵旦而不息配三百六十五度之
常貞乾坤肖其闔闢萬物視爲枯榮陽鳥同
其出沒兔魄逐其虧盈若太虛之無爲常不
言而化成其經星之麗乎其上也三垣奠中
央列宿羅四維紫極昌乎帝運前星耀乎儲
闈招搖東指而熙春大火西流而涼颺南箕
北斗并鉞參旂壁壘羽林之府東壁文章之

司莫不託體圓象逐候推移其緯星之周乎其外也聚井會奎編珠聯璧或隱或見爲前爲却金火遇而或逢其災歲星在而人蒙其澤莫不視躔次爲機祥因天行而順逆其游環之旋繞乎其側也以二道之交周驗二陸之寒暑天地以斯爲襟帶日月以斯爲戶牖包九有而亘八紘固卽近而可觀其取乎璿璣也川澤之珍輝聯象緯配景慶之光華萃蟻珠而非侈其取乎玉衡也山岳之寶氣燭穹蒼藉管窺之遙測何積氣之難量所以制

列三重經累朝而不改沿數代當景祚而彌昌抑臣聞之人君德及方外化被羣生則五氣順亨七曜咸平陽愆陰伏之不作而薄蝕暈珥之不驚然後乾施而坤載天清而地寧必星紀之不紊斯天與器而偕行然則璣衡之爲物也可以察天心可以觀主德可以驗政刑之臧否可以覘運會之通塞天市應乎明堂北辰配乎皇極涵蓋恣其咸周時敏倣其無息司曆者藉之以覘天而人君因之以取則今

天子至德冒於海隅來享通於絕域

聖治所及則如璣衡之無所不覆也勤政則辨色

視朝典學則夜分側席

聖心所涵則如璣衡之無時不運也文治揚其光

天章煥其彩則如璣衡之經緯咸備也張弛

之盡善調變之適宜則如璣衡之與時進退

也猗歎盛哉瞻渾象之輝煌誕玉質而全相

筭命官於虞帝今作賦於明光配天宇之鴻

濛同

帝德之無疆臣叨恩於珥筆敢因物而敷颺

篤素堂文集卷一

三

南苑賦 有序

康熙十有二年癸丑孟夏之吉

天子臨幸南苑六軍雲會萬乘雷動

小臣

初忝文

翰之班特奉

命珥筆以從日覩曠遠之神阜心懾豫遊之禁地
平疇綠野時值豐穰大輅青旂備觀鉅麗復
拜

綸音命獻詩賦一介鄙儒遭逢

盛事頓忘謫陋竊効謳吟謹拜手稽首而獻賦

曰維神京之南甸有振古之名區廣衍號稱

篤素堂文集卷一

十四

陸海蕩平繼美康衢薰風拂於南極旭日照
於東隅以曠則瞻眺雲物以稼則地脉膏腴
洵邦畿之沃壤亦天開之畫圖其北則鳳城
萬雉龍樓千仞紛掩映於丹霞聳雲表而高
峻其南則冀野平陸金臺崔嵬以燕齊爲襟
帶接韓魏而宏恢其西則太行居庸層巒疊
翠遠苞秀而毓靈蟠鬱蔥之佳氣其東則碣
石天津川源奔滙萃淑景於中央鞏北平之
地勢其水則清渠環遶味甘泉石橋橫而
長鯨飛動畫舸繫而彩鷁蹁躑高柳垂而飛

絮密荷簇而如錢嘉魚咸沐於大澤錦鱗戲
而便娟其木則宮槐禁柳浥露含煙松柏鬱
秀桃李爭妍繞別殿而千章色蒼翠而參天
其獸則獐鹿麝麇黃羊白兔野雉朝飛幽禽
在樹每應弦而轍中時儻俟而羣友旣草淺
而獸肥復風高而鷹驟其外則周遭百六十
里跨川原而爲墻長畝繡鎔於平壤花邨散
布於崇岡瓜田則千畦共秀麥隴則比戶同
穰其內則宮闕參差於綠樹亭臺虧蔽於疎
楊列東西而爲宮分新舊而殊方茅茨土階
之儉約規制髣髴乎陶唐東有穹窿之高閣
金碧照耀乎初陽祀帝則華而非侈

行殿則簡而何傷紅門峙若丹巖

輦路平於翠陌高臺號曰晾鷹亦因故而不飾
農田耕鑿之雜處雉兔芻蕘之接迹同文王
之靈囿偕斯民而待澤漢之五柞唐之溫泉
制不師古崇侈極妍金鋪玉砌冠山架淵華
林園之宏鉅昆明池之蜿蜒彼皆窮夫民力
此獨任夫天然考歷代之園囿烏得與斯苑
爲比肩於是月當孟夏炎帝司晨隴彌望而

如繡麥垂穗而昀昀條桑蔭於廣野微雨浥
乎輕塵

天子重時巡而觀稽慶麥秋而省民乃駕蒼龍建
翠旂百靈扈蹕七萃羣飛周廬似列星之布
萬騎奪雲錦之輝旆悠悠而風動涼颯颯而
生衣登高原而縱遐矚

翠輦時駐於翠微曠遠絕夫塵囂惟天地而幕
六合地最宜於經武比岐周之鎬洛寓訓練
於馳驅騁驂駟於寥廓

天子御焉行將循蒐苗之古禮格飛走於林壑乃

篤素堂文集卷一

六

武事之旣纘爰勵精於典學和風快其南來
微涼生於

殿角雖遊豫之晏閒羅縹緗於

紫閣微

臣

時陪周宴日聽虞琴黍鄒枚之後乘

隨衛霍之華簪幸遭逢於

盛世做虞人之獻箴願作頌以比勲華敢擬長
楊之與上林

駕幸闕里賦

并序

皇帝御極二十有三載重熙累洽區宇乂安文德
覃敷聲教暨訖乃稽古時邁肇事岱宗謁祠
闕里典禮崇重恩澤優渥臣庶懽欣遠邇嘉
歎夫元和盛年咸平昌世僅奏六代之樂脩
再拜之文猶垂式簡編流輝今古詎有遠御

六龍親詔

萬乘展隆儀于稽拜施殊敬于儒先

聖德顯隆如今日者焉洵足以超軼往牒焜耀前

紀也

臣

幸際昌時得瞻鉅典雖固陋翦劣不

篤素堂文集卷一

七

足以發揮鴻藻然珥筆承明職茲紀載頌揚
休歟敢曠司存謹拜手稽首而獻賦曰

於爍惟

皇繼序纂光本仁祖義昭憲考章奠玉衡于神軸

握金鏡于天閭調四氣以通正氣八風而協

祥於是西踰細柳東跨扶桑交河北徼比景

南鄉靡不丹梯走傳碧海浮航輸琛太府隸

名職方耀幽遐以日月襲鱗介而衣裳越萬

里以人贊重九譯而來王是以化洽太和道

隆邃古納九垓之管鑰總堪輿之扇戶參天

地之清寧儷貞明之作觀文軌合而謠俗同
跂喙恬而草木庶軼埃壘而苞混茫駕義軒
而凌三五焉

天子迺高拱垂裳中央運斗容與義林優游書藪
河寶丕宣洛符誕受典學弘文銘楹箴牖探
珠淵之秘筌陟玉山之高阜德蕩蕩以無名
治熙熙而何有旣則冲然永念穆然濩思曰
儀象肇啓道汰昭垂寢明寢熾惟君惟師羣
聖一揆六經同歸王澤下竭頌聲式微孕星
鈐于上瑞錫麟紋于昌期毓龍蹲之至德挺

篤素堂文集卷一

六

鳳時之殊姿集大成于千古開絕學于來茲
溯平鄉之懿躅景闕里之崇規庶幾哉聞見
可接羹墻在斯舉時巡之墜典秩釋奠之隆
儀爾乃乘大路控金鑠牽翠羽捎文虹屬車
按節繁吹鳴笳七翠鱗附千官景從馳道則
五里十里旌門則一重再重集于泗水之上
幸于尼山之宮斯時也清羽司音初陽應律
葭管煙霏芸房露苗氣不慄以時寒序將周
而朔易撫景物之澄鮮攬風雲之明瑟旌旗
捲而廣野回春帳殿開而暮山凝色遂乃肇

舉吉祀肅奉精禋春卿贊采祠官眠牲朱火
西蘊元酒東陳嘉籩廣豆豐粢潔盛振羽籥
之六舞合咸英之九成薦祝號之明信導神
絃之降迎穆穆

宸容靡靡天緯殊禮展謁隆文錫賚覲靈爽之長
存儼哲人之如在感神契以潛孚體道眞而
昭對洋洋乎優優乎與珠庭月角授受于千
載之間玉節金鏗疇荅于一堂之內也禮度
有嚴威儀告竣登堂入奧規周矩還瞻聖里
之岷岬憇廣庭之靜儂布兩楹以翼聳峙雙
闕以星懸藉杏壇之脩蔭挹璧池之素漣偃
息于道德之府溯沅于圖書之淵於是芝蓋
重葩龍旂曲柄貴擬一人尊侔萬乘述素王
之嘉譖發五言之

寫素堂文集卷一

九

睿詠海嶽遜其高濶星雲並其輝映斯則

聖天子蘊道之淳風崇儒之殊敬也簪纓陪位矜
佩園橋長裾霧會仙組雲影始橫經以讐問
旋拊石而吹匏誦遺言于姬孔冰雅化于唐
姚禮讓之容咸近光于黎獻豈弟之澤庶作
人于譽髦斯則

聖天子風聲之四訖文治之丕昭也曲阜名區魯
原舊聚陪敦土田復除繇賦增講肄之常員
沛匪頒之異數推恩則徧及師儒錫爵則宥
流支庶五經博士不遺凡蔣之封九命上公
奚啻褒成之胙斯則

聖天子崇德之盛心興贊之弘務也於時采甸侯
衛公卿大夫期門式道執戟荷戈文學掌故
之士垂髻戴白之徒縱觀典禮瞻濟天衢涵
濡化澤屬厭道腴旣雀躍而抃舞亦鳧藻而
歡愉萬人一口聲滿公車惟我

篤菴文集卷一

三

后之東巡脩百王之令式荅珍貺于三靈聽衢謠
于百室卻瓊檢以勿祈屏銀繩而詎飾騶從
清嚴儀文簡質吏不譏呵民無供億協時正
律埒虞氏之省方納價陳詩儷姬王之述職
旣陟山以哀對還翁河而問俗採哲陽之舊
歌晞榮光之新燭朝宗滙江漢之波玉帛奉
塗山之籙非漢日之蹇楚乃堯年之刻玉若
乃慶惠殷流湛恩四周給租賜帛省刑釋囚
虛衷清問博延廣諏如天光之下濟如露濃
之上浮始汪濊于五土旋齋淪于九州今又

茂明至道導揚正學虎炳龍章金追玉琢浴
我以詩書弘我以禮樂盛德登闕大猷輝卓
幘六合而被英蕤鼓八紘而排氛濁誠振古
之隆規開天之偉略也

天子方且回輿京室倚佩軒墀道听先陟德契自
持庀政考業基命勅幾辨色以臨黼展視夜
而啓彤帷定仁義中正之極稽因革損益之
宜不解冰淵之念彌勤鞅鐸之思所以泰階
順軌乾策迎禧上理隆洽茂化雍熙治方俾
于砥屬俗已進于循蜚四海壽康恬于鶉居
之代萬年鼎祚鞏于鰲極之儀

懋勤殿秋蘭賦

有序

輕風流火白露迎涼雲淨天高秋空氣爽

君王宵旰燕閒愛茲澄景御圖書之秘閣發清商
之雅音乃有叢蘭獨榮秋殿芳香自發枝葉
相扶植以青菴圍以朱檻斯亦託根之至榮
者也

臣 朝夕

經幃味彼芳潔敬成蕪賦以奉

宸懽其辭曰

臣

聞蘭之生也隱於空山被於幽谷

其守貞也雖無人而亦芳其德馨也不因風
而自續是以尼父發猗蘭之歌郢客和幽蘭

篤素堂文集卷一

三

之曲當其植根九畹毓秀三湘管作騷人之
佩古稱王者之香名楚臺而留賞啓漢殿而

發祥

漢武帝生於猗蘭殿

養親續蘭陔之詠燕賓泛蘭

渚之觴莫不偕茲嘉卉欽彼幽光慨自人誇

春豔莫采秋英蔭浚林而寂處偕衆草而叢

生戲陰畦之翡翠侶芳洲之杜蘅惟敷華於

山澤敢結想於蓬瀛一旦躋瓊塔登玉宇拂

珠簾迎繡戶泛上苑之光風含長秋之暮雨

誠何美乎蘭臯豈夏思乎蕙圃於時秋也螢

光熠熠蟬聲嘒嘒梧葉初驚飄飆文砌碧筒

漸老將殘玉井之蓮金粟猶遲未發小山之
桂爾獨披紛翠葉葳蕤紫莖花繁露重體弱
香輕娟娟自賞旣媿美乎幽人之潔亭亭獨
立復比德於君子之清以茲高致怡我

皇情內殿深嚴左圖右史久祛凡卉獨留瓊蕊枝
垂宮硯色侵文几何韻馥之襲人每簾動而
香起

天子丙夜陳書漏沉宵永風入戶而蟲鳴月臨軒
而人靜繞鐙開歷亂之花隔幔送參差之影
憂憐落卉藉以雕盤置綺筵而留盼愔餘芳

於未殘喜

君心之見珍荷遭遇之良難幸處乎朱門與紫闥
永違乎長坂與層巒臣將寄言於適軸竊敢
託詠於崇蘭遂作歌曰有香草兮華且滋隣
玉樹兮與紫芝自楚澤兮來軒墀枝挺生兮
花離離感

君恩兮欣自持觀秋蘭之獨茂兮豈微草之無知

賜金園賦 并序

余作賜金園記述

君恩之所由紀命名之攸始猶以雲窗磻戶隱約於長林嘉卉芳草雜遼於幽谷者鋪敘摹畫未罄其狀嘗考答人云賦者古詩之流也又曰古人稱不歌而頌謂之賦夫馬融長笛王褒洞簫古人愛一物猶比擬讚詞被於簡牘文必極美詞必盡麗况余目營心畫朝遊夕處風雨晦明於此綢繆欣戚悲嘯於此寄託習之也久述之也詳愛之也涉言之也長竊

以平子歸田未極隱淪之趣安仁閑居未窮林壑之觀爰因勝地勒以雅辭賦曰

伊龍眠之西隩歷巒岫之盤互亂溪流而淺

涉指層嶺而遙度經樵徑之欹崎偃松出而

當路羅奇峰以四周簇青林而萬樹中有幽

人窳館居士衡門碧梧清沼縈帶倚垣橋貼

皮而曲折桺覆堤而偏反高槐鬱其菁蔥榜

雙扉以賜金之園其西軒也齋名學圃古屋

素題草綠堦而徑仄梅入戶而枝低架茅宇

以文杏葺圭竇以香泥所以鞠淵明之衆子

偕老萊之逸妻倉困攸居井臼是宅女獲男
臧雞栖豚柵庫藏名酒厨積嘉核蔭桂叢而
育窆期以宴而以息其南軒也長廊委蛇暎
日迎曦燠館溫室風靜簾垂俯海棠之香國
紛嬌姹之奇姿弄脂妍而粉膩酣春日而遲
遲迺其朱欄翠幕姚魏所家鞞紅茜紫一捻
名葩長安誇等身之樹洛陽矜徑尺之花亦
莫不露濕烟霏散綺流霞瞻曲房之南隅壓
檀欒之脩竹簞籥萬箇琅玕千簇筠粉吹香
紙窗分綠月落而影徧空庭雪壓而聲鏘寒

玉斗室生白來往天光乃敷斐几列胡牀擁
亂帙凝清香蒲團挂壁筇杖倚墻攸寧攸芋
以詠以觴盼遠松而延佇藉柔荑而徜徉其
東軒也則歷幽篁之宮入古梅之里蒼幹莫
名糺枝難擬或昂藏而披雲或支離而拂水
或凌煙而乍垂或拂地而騰起挺新條以敷
華積古苔而繡紫倘鄧尉之可方伊羅浮之
足齒雖珊瑚碧樹之交柯亦難並乎斯美中
則有堂名香雪樓稱鶴背檻浮花氣之端戶
掩香光之內雪皚皚而千堆烏鶴鶴而羣隊

庶可以躡王喬之高踪接洪崖之芳歆時則
春回幽谷香動寒岑登樓遙矚地僻花淺玉
田瓊圃雪苑珠林神恍忽而震蕩芳寒烈而
來侵御文貂之紫綺撫陽春之素琴何方壺
之不可復卽懼斯樂之難任沿池而北桃谿
橫帶淺紅淺白俯臨湍瀨夏至而綠陰繁春
濶而紅雨霏紆石徑於中央覩疎楊於水外
迤北而北軒在焉前場後圃左岡右池嚶桐
垂蔭下植將離或倚雲而孤特或當堦而紛
披水榭西構芳塘漣漪紅蕖碧藕花葉參差

鷺起而珠露傾蟬吟而香風吹又有芙蓉的
爍柳絲歷亂疎枝密葉被於隄岍入春和而
早榮當秋清而晚燦其地則羣峰廻合襟帶
田疇纒脰亘而虛敞溪環折而澗幽松屏冠
於巖岫蔀屋隱於平正煙雲生而出沒忽恍
惚其不可求其室則南窗北牖延爽招涼碧
紗外捲桃笙內張如艇斯泊枕藉滄浪如臺
斯屹雲山蒼茫裁芰荷以爲衣摘蓮實以爲
糧當炎曦之方馭喘黃犢於翳桑愛斯地之
蕭散微風起於曲廊卻絺衣而不御揮紈扇

而不揚實清景之可娛覺空山之夜良其周
乎四軒者則有紫藤碧篠芳楹紅蘭或高引
而垂幄或密比而成闌循石磴而遙躋飛閣
聳於北巒臨杏圃而結掇盛春暉之綺觀其
亭則也紅倚山曲江臨水芙蓉溪亭在河之
浹朱櫻冠乎崇岡喬柯暎乎清沚循花溪而
南征賴以憩乎遊趾其圃則早韭百本晚菘
一畦丹茄紫薑霜薤露葵子母餘犀水陸蹲
鴟寒匏並蒂甘菊連枝莫不葳蕤於北園蔓
衍乎東籬朝荷勸而可樂夜翦菽而如飴其

果則紫栗千房青梅百斛柿美烏稗梨甘大
谷安石珍榴火齊赤玉西域蒲萄磊落盤屈
何必移盧橘於江南忝荔支於巴蜀其泉則
聲沸如珠甘芳若醴漱靈石而常清沉丹砂
而愈旨旣滌洄於壻下復潺湲於花底貯之
爲滌硯之池引之爲灌蔬之水雖地狹而境
偏信泉甘而土美先生之處此也謝軒冕遠
塵囂歎人生之形役憫機事之日勞惟白雲
之可怡誓栖息於林臯曠天地而睥睨何有
乎螺贏之與二豪爰因四序周乎四軒抱書

攜笈移琴學尊逐花時之早晚量風日之涼
溫擁萬軸於坐隅手一編而朝昏懷古人之
可見接義軒而道存爾迺葆光味腴崇簡敦
素息慮屏思納新吐故惟萬物之齊觀常蔬
水而自裕時則佳辰淑景日麗風和或蹋徑
草或倚庭柯或攀危磴或臨素波珍禽啼而
未歇錦鱗聚而遂多濯塵纓於磐石藉文茵
於淺莎翹首天地臨風浩歌落花落葉傷如
之何當其春雨一犁其耕澤澤麥覆西隴草
回南陌魚戲春水生鳩鳴杏花白先生乃服
春衣振輕策循隴畝而勸農眺春雲而自適
迨夫秋潦澄清木落羣岫相弄色於寒初楓
染丹於霜後千巘爛若披錦萬壑殷如攢繡
殊形異采不可殫究先生乃命巾車挈茶鐺
坐丹巘臨赤城朱霞暎乎朝旭絳雲彌於太
清較四時之景物惟秋晚之莫京其遊迹所
至也則有寒潭激碧石馬當路飛泉媚筆皎
若紈素帶麓南村沿溪別圃脩篁隱衲子之
宮茂樹表貞臣之墓縱步屨之所如隨攀涉
而成趣噫噓嘻四時之序有代謝九達之軌

無終全躬耕釣以自給甘笋蕨而長年慕彭
澤之避世希香山之樂天侶春花與秋月休
吾生之自然歌曰壑有澗兮山有岑白雲度
兮籠輕陰竹鳴花田春似海板橋流水閉門
溪鳥隔樹而關嚶魚咬藻而浮沉魚鳥各無
意聽我歸來吟遙遙千載後何人知我心

篤素堂文集卷一

无

雙谿芙蓉賦

惟雙谿之澄澈二水會於庭除出層巒而迢
遞經石堰而舒徐生芙蓉於夾岍涵秋露而
分敷後巘桂而發采侶丹楓而錦鋪其爲色
也豔而不妖麗而非侈葉鋪翠幄柯臨清泚
質抗金風神含秋水每迎涼而先榮近嚴寒
而未靡聯遠浦而舉芳毓千叢而霞起或朝
淡而夕緋或初碧而乍紫或以並蒂呈華或
以獨秀爲美或露滴而初開或風翻而亂綺
或倚松如淨女或臨淵似君子西蜀號爲錦

篤素堂文集卷一

三

城石卿稱爲仙史更有湘江異種厥名三醉
初則蕊含淺黃淡質凝翠暮則一抹微紅朱
絲如織越三日而茜紫朱殷不可思議或先
或後種非一類于是縱輕棹凌若耶放艇則
晴霞一色迴楫則彌望萬花舟移而叢密影
動而波斜晚蜂躊躇于寒蕊遊鱗噉啣于晴
沙其在晨露初晞花光如拭夕波方起景非
一色或披衣而晨興或流連于日昃任擬似
之徒工非筆墨之所能測

篤素堂文集卷二

頌

聖學時敏頌

有序

臣聞自古哲王既優於聖性必加以聖學蓋精義微言備於往牒常經大法具有成規是以涵養德性則典學宜先經緯世務則明理爲要本仁祖義則古稱先所以興大業而躋盛治也恭惟

皇上躬上聖之姿賦天宣之哲虛懷嚮學本於性生自臨御以來脩釋奠之上儀首崇學校舉

篤素堂文集卷二

一

經筵之鉅典靡間春秋所謂觀乎人文以化成天下也臣英嘗稽講幃之制兩漢以來已肇其端唐宋諸君詳舉其事漢宣帝詔諸儒講五經同異於石渠閣光武每旦視朝罷數引公卿即將講論經理唐太宗聚四庫書於弘文殿置弘文館於殿側選文學之士令更日宿直與之講論前言往行宋太祖雖在軍旅手不釋卷嘗謂李至曰人主當淡然無欲朕無他好但喜讀書多見古今成敗宋真宗始置侍讀侍講之官以雙日御經筵以隻日

詔儒臣講讀宋仁宗置崇政殿說書又作邇
英延義二閣以禮儒臣明代講讀之員甚備
公卿執政多由之此皆漢唐宋明以來英君
誼辟崇儒重學以興起太平焜耀前紀者也
然以方我

皇上味爽聽政卽御講幄當宵衣旰食之不遑而
延見必有常度復盛暑祁寒之不輟而精勤
屢逾恒規研究於二典之學而道接唐虞殫
精於四子之書而心傳孔孟以古史爲昭鑒
而觀考亭涑水之鴻編以性理爲淵源而窮
太極西銘之微義不更爲超前古而邁百王
哉且

鶴素堂文集卷二

二

溫綸屢頒欲盡咨詢之益
天顏下霽不辭覆講之勞辨義則理析毫芒敷詞
則聲振金石旣橫經虛受當

弘德之深嚴更披卷澄懷御

懋勤之清晏百家羅列窮奧義於天人八法兼
精間游心於翰墨斯其遜志勤敏眞可謂博
而有要精而能該者矣臣英自慚謏劣無似

猥蒙

聖恩拔置講幃俾侍從於細旃廣廈之間數年於茲矣仰

聖學之崇高

睿懷之冲挹言之難罄知之最親願殫愚忱敷揚實德非敢爲虛詞溢美以自蹈貢諛之嫌也謹拜手稽首敬獻

聖學時敏頌一章頌曰惟

皇天縱睿哲文明撫綏區夏覆冒函生萬物斯覩百度惟貞仁符地載健比乾行堯舜堦左規右槩銘日師湯愷陰追禹道德之林仁義

篤素堂文集卷二

三

之府翺翔優飫鎔綜參伍金華列席冠珮濟蹠發謨陳典源遡陶唐探河觀洛道契軒皇春秋二仲修舉有常日御萬幾心周九服扶桑銜照銅龍始旭六卿畢對旋臨講幄韋編在前

宸衷肅穆孔顏妙緒鄒魯微言治平之矩入德之門六經啓籥諸子滙源探微月窟扶奧天根尚書肇起危微精一益贊天工箕陳皇極爽獻旅葵旦書無逸宏綱大法

聖人惟則大易精義既法而奇義文畫象周孔屬

辭裁成萬類囊括二儀開物成務

聖人惟師窮理於經徵事於史兼陳法戒深叅道

揆義鏡紫陽博綜涑水網羅百代尋源索委

聖學彌廣

聖志彌冲

溫綸屢諭覆講宜崇諸臣敬荅恐勞

聖躬

帝曰俞哉斯道何窮辨析精微昭宣義蘊吐詞爲

經發言成訓炳炳琅琅全聲玉振葑菲不遺

芻蕘不擯寒暑靡輟宵旰維勤內庭清晝細

篤素堂文集卷二

四

帙如雲蒐羅圖史研究典墳關閩徵義濂洛

遺文講貫之餘游心藻翰虎臥龍翔奔會神

腕掩映鑪煙續紛玉案堂哉皇哉天章紉纒

洪惟

聖學冠古燦今滄溟東岱莫並高濶天地爲軌位

育爲心助流鴻化昭垂雅音自愧小臣謬隨

深殿日侍

宸嚴數承清宴蠡測管窺親聞灼見仰瞻

睿勤歷久靡勸惇史之職有燉則揚巍乎難名煥

乎有章歷稽前牒誰與頡頏賡颺作頌垂示

無疆

篇素堂文集卷二

五

五

昇平頌

并序

臣竊惟自咎國家席累葉之鴻休撫守成之
大業承平既久類必有非常之功以蕩滌取
穢而鎮撫生民然後皇威遐邇社稷尊安有
泰山四維磐石苞桑之固焉在詩有之曰薄
言震之莫不震疊在書有之曰其克詰爾戎
兵以陟禹之跡方行天下至于海表夫以成
康之郅隆猶以張皇六師爲大訓載于詩書
信有徵矣漢以兵力定七國文景之業彌光
尤已事之著明者哉蓋國家之有師旅征伐
猶天地之有霜雪雷霆也非霜雪則萬物煩
囂之氣不肅非雷霆則四時堙鬱之氣不宣
非師旅征伐則亂臣賊子無所警服懲創而
不敢肆故霜雪所以開陽春也雷霆所以啓
晴霽也師旅征伐所以靖禋氛致太和也天
地仁愛萬物之心與聖人仁愛萬民之心皆
不得已而託之乎此者也

國家自

世祖皇帝戡定大亂
皇上撫馭區夏以來待藩臣之恩良渥矣處之以

重鎮視之以心膺睦之以懿親極之以高爵
顯秩豢之以膏腴腆祿乃物太甘則自蠹獸
久畜則思觸富貴極而驕悍生驕悍生而反
噬起平居則枯勢席寵以荼毒

朝廷遠方之赤子乃下尺一之

詔則環視而起一方作俑諸方應之以盜弄

天子之戈於潢池舉平日

朝廷所付之疆土所屬之將士所簡閱之器械
所賚予之金錢悉藉以抗

天子之命據固阻險伏莽跳梁自非大奮我武以

篤素堂文集卷二

七

芟刈而雍獮之何以昭臣子萬世之經而彰
我

國家四征不庭之罰乃自始亂以來授鉞

天宗分馳

禁旅虎臣四出鷹揚奮興以漸次削平迄于今

八載海內蕩定昭明無纖芥根株之遺可謂

盛矣臣竊念身依

闕廷趨承

講幄者五年

簡侍近密者又四年其遠方兵威克捷之奇戰

勝攻取之略戈甲組練之華折衝陵轢之勢
臣雖不得而聞且見也若我

皇上八年來宵衣旰食之心則臣知之最濩念赤
子罹於湯火急欲一旦出而登之衽席之上
每復一城一邑必

嚴諭以無擾百姓至仁也武臣進止皆恭請
廟算以行萬里之外視如晷曉之間凡一經
聖慮則險者平難者易成功奏績刻日而應至神
也簡任將帥以武勇智略爲經以持重寬愛
爲緯疇咨而舉推轂而行至慎也減膳撤懸
力崇簡約以佐天下兵食之需故軍興歲久
常賦不益至儉也闕外將帥時賜
手勅申誠其有能靖寇撫民者則
灑宸翰製詩篇解御服以褒異之至厚也數年
來屢避正殿朝賀一方底定宮中必焚香親
告

大

祖至敬也未明求衣昧爽聽政日昃不遑暇食夜
分省覽章奏不輟以籌畫天下至勞也提書
至必敬告

兩宮親承色笑懽聲溢于殿陛之間至孝也殲渠
魁而舍脅從逆命者誅之歸命者撫之赦過
宥罪布大誥于天下至信也天下之人但見
八年之內殄滅羣寇綏靖多方震古躒今武
聖功若此之盛而能盡知我
皇上深宮之中神武勝算焦心勞思如此之不易
易哉今者十月克復雲南賊渠授首十一月
十三日夜露布至

皇上時御乾清宮覽奏臣等叩首稱賀

御榻前

篤業堂文集卷二

九

天顏悅甚顧謂臣等曰朕今日爲天下萬姓喜追
思逆亂以來官民咸被荼苦屢復惻然于懷
臣等謹合詞對曰

皇上仁愛之心通于天地斯所以爲萬世開太平
也

聖衷之一念不忘百姓者舉類此臣又伏念古者
雅頌之作以昭德紀功周宣王平淮北而江
漢興歌唐憲宗平蔡州而淮西有頌若以方
今日之功烈不足以當百之一當時之臣猶
能撰述詩頌鋪揚國美垂布金石焜耀史冊

况我

國家數年中東戡閩粵西定隴蜀北平察罕南

靖滇黔奇功茂烈炳炳磨磨不可勝紀

臣職

居悼史載筆左右其敢以固陋自覆而不勉

綴廣颺之末班乎謹撰頌八章曰平閩平粵

平隴平察罕平蜀平滇各指一事言之也曰

平秦階平歸功

廟謨也曰武功偃樂成功重休養也統名之曰昇

平爲萬世無疆慶也詩曰吉甫作頌穆如清

風則臣滋愧也

篤素堂文集卷二

十

平閩

閩嶠峨峨閩海泱泱灘石劔立篁叢弩張狂

童逆命爰阻我疆勢連長鯨濁亂海邦

王師奮武載旆皇皇東由姑蔑西經豫章如霆

擊枯如髮櫻鉞繫頸以組俘于明光厦門逋

寇歸我帆檣一民不殲

神武孔將

平粵

古稱百粵象羆羊城管建南藩以奠東溟乃

生貔兪怙勢憑陵不孝不弟爲亂之萌

天戈所指游魂載驚旣歸而命旣抒而誠狼子
反覆黃鉞斯行梟巢盡覆瘴海彌清毒潭鯉
埽合浦珠明五嶺煙巒南拱

神京

平察哈

北嶽爲鎮東海爲垠部落環衛繡鎔魚鱗中
有察哈舊我有民居我肘腋爲我藩臣蠢茲
負德忽煽烽塵元老秉鉞我馬駢駢師惟一
戰

命不重申殲彼強寇不返隻輪魁渠留首獻于

篤素堂文集卷二

十一

紫宸

太宗戡伐前烈維新

平隴

隴西涇陽俗剽民勁亂臣反戈河北咸震我
師旣出逐北乘勝頓于堅城歲靡有定
帝曰元老往敷朕訓示之以威懷之以信矢不遺
鏃兵不折刃崇墉夜開頰首歸命投戈而諱
悔罪思順秦隴千禩惟以歌詠

平蜀

太古惟西蜀國號魚鳧劔閣嶙峋雲棧崎嶇一

夫扼險萬夫嘆吁况峙糗糧千里沃腴賊實
藉之稽我

天誅將軍憑陵蠶叢坦途旣克保寧遂入成都
孤雛咸殪腐鼠莫遁夔門巫峽重釐版圖
皇威赫赫時聽巴歛

平滇

誕惟滇寇倡亂之先攘臂昆池竊踞湘川
王師萃止如雲蔽天威武撻伐聲震八埏二兇
旣殄餘燼猶然寄命孤城柝骸經年元戎奮
武伐鼓淵淵鐵橋失險滇城摧堅剪彼鯨鯢
膏我戈鋌亂源禍始藁街特懸

秦階平

六軍振旅九服來同桃林歸馬扶桑挂弓星
輝雲縵嶽朗川融休哉鴻烈誰其始終輔弼
之英貔虎之雄祇受成命謨由

聖衷智勇天錫濬哲亶聰握機鏡要神運樞中仁
慈恭儉昭格

蒼穹鞏萬世業定此膚功

武功偃

我有弓矢願言橐之我有戈矛載岬藏之膏

澤萬物雲行雨施譬彼稂莠剪伐無遺今此
良苗滋溉攸宜仰承

帝祐俯恤民疲崇文惇教返于恬熙仁風愷政浹
髓淪肌

天子萬年如天無爲垂衣端拱誕受崇禧

篤素堂文集卷二

三

天子萬年如天無爲垂衣端拱誕受崇禧

躋命

帝祐俯恤民疲崇文惇教返于恬熙仁風愷政浹

真苗滋溉攸宜仰承

天子萬年如天無爲垂衣端拱誕受崇禧

至德弘仁頌

并序

稽古稱幅幘之廣曰東漸於海西被於流沙
朔南暨聲教訖於四海可謂盛矣然東南以
海爲域西曰流沙則猶在今甘肅之境朔方
亦未嘗明言所至之地歷三代以至漢唐宋
元明王化之所及車書之所通皆未有如我
國家今日之無遠弗届者也

皇上視荒遠之人無異於宇下之赤子凡歧行喙
息者皆欲令其安全生養而納之於軌物之
中盡兩間之所覆載不忍一方一人不獲其
所書所謂光天之下至於海隅蒼生共爲帝
臣豈非聖人之心前後古今一轍哉曩者喀
爾喀雖數通職貢未盡臣服今者嚮慕

德威傾心內附欲列藩臣

皇上厚加存恤給地安置賚以牲畜芻粟恩至渥
矣爰以康熙三十年孟夏之吉

車駕親自拊循羽林之士雲附景從至于邊徼之
地七旗喀爾喀君長等帥其衆十有餘萬人
傾誠効命於

龍旂鸞旆之前莫不扶老挈幼稽顙流涕感恩

呼籲

皇上育以至仁撫以至德錫宴頒賞咸從優渥發
德音下明詔量其嚮化之誠予以世守之爵其族
衆皆賜秩有差復爲之申泐禁布規條俾與
北藩四十九族同沾恩澤永遂生養猗歟盛
哉我

皇上之德丕冒比天地照臨并日月會合如風雲
濡澤若雨露昭明法律如三光之麗天底定
方隅如四維之奠地恩賚禮成羣心欣悅普
天率土莫不歌頌前史紀載罕覯斯盛臣忝

篤素堂文集卷二

五

居惇史之班敢對揚盛美祇獻頌曰
維彼遠人雖處漠北自天覆之豈有方域幹
止罔克

聖心憫惻好生之仁維帝時則一章

靡憚暑雨跋履山川安人是亟懷遠宜先滌

其危苦賚以生全稽顙至止歡動八埏二章

何以宴之旨酒維盈何以錫之庭實百朋龐

勳皆眷皓首扶杖來聽天膏所沛萬類咸榮三章

皇十自古仁人繼絕舉廢存其名號勿殄厥世永

爲北藩版圖是隸帶羈之封爰及苗裔四章

聖慈蕩蕩令甲煌煌維仁是育維義是綱教以親

遜爾無胥戕食我茅土率我典章

五章

我德既敷我武孔揚如雲如電戈甲騰驤如

虎如貔騎官蹶張天威赫耀震肅遐荒

六章

自茲遠人保聚生息如溺斯拯如槁斯植耕

田鑿井惟

帝之力錫爵分珪惟

帝之德

七章

駕轉六龍雲生九陌甘雨載塗澤我疆場人和致

祥敷天悅懌盛舉永光昭于簡冊

八章

篤素堂文集卷二

六

聖德仁明武頌

并序

蓋聞宏胞與之量者不以中外殊觀建久遠之模者不以煩勞易慮是故事以除暴爲大憑陵邊境則必誅虐害醜類則必誅背恩棄誓則必誅必不使遐方赤子猶有擾其覆載之天者仁之至義之盡也功以克斷乃成焦心勞思而不辭櫛風沐雨而不辭涉遠踰險而不辭必不使兇頑梗化尚得雷其牙蘖之害者謀之遠慮之周也駿烈冠乎百王英武邁於前古如我

皇上今日之滅噶爾丹者是已臣謬以謏劣微材獲侍從于細旃廣廈之間者最久竊窺

宸衷所注惟以愛養生民救寧遠邇爲至計凡在覆育之下者皆欲以安全遂其生業有厄魯特噶爾丹者在當日原爲請

安納貢之國乃孽由自作狡詐狂迷與喀爾喀爲仇喀爾喀旣歸附于我爲

國藩臣而噶爾丹陵虐侵殺之不已以至闌入烏瀾布通之地爲我師大敗幾殲其族彼當困迫則設誓夏不敢犯

皇仁宥之於前矣自以僻處塞外怙惡不悛憑恃
其衆蠶食隣壤肆行悖逆潛入巴顏烏瀾之
地奸謀叵測思以煽惑蒙古諸部落害將滋
蔓夫根莠不翦則無以安嘉禾蛇豕不除則
無以靖疆宇大哉

工言噶爾丹若不卽行勦滅邊鄙何由得寧此
我

皇上爰整六師不得已而遠征之至意也分大兵
爲三路以成犄角之勢籌糧餉練火器礪兵
仗精鎧甲鼓勵將士秣馬賞兵出帑金以百
萬計自鉅至細無一事不在

篤素堂文集卷二

六

天心籌畫之內宵衣旰食謀慮周詳此我

皇上經營于法宮之中決策于樽俎之上者然也
親統中路大兵以三月出塞戈戟耀日旌旗蔽空
軍威之盛谷撼山搖向來水泉乏絕之地經
指示而泉涌向來平蕪未青之時迎

鑿輿而草茂百靈協應萬騎飽騰我

皇上減膳省餐以與六師同甘苦飭行陣明紀律
謹刁斗嚴斥堠日日淬礪而申警之拊循而
賞賚之熊羆之士無不奮勇百倍此我

皇上勤勞于帳殿之中振肅于塗次之際者然也
噶爾丹夙稱詭譎亦恃險遠度瀚海沙磧素
無水草難以飛越忽聞

至尊親臨天威所懾震駭惶懼棄其髦倪輜重鼠
竄狼奔冀延殘喘我

皇上萬全勝算料彼必潰遁而西預遣將軍領兵
堵截

聖躬率兵師奮勇追逐竄寇狼狽已極而勁軍適
當其前一鼓而勦滅之殲其衆俘其子女收
獲其牛馬牲畜數十萬逆命者誅之來奔者

篤素堂文集卷二

九

受之一日之間而國燼矣噶爾丹之支吾跳
梁總在

睿算指顧預定之中纖毫不能越吾之範圍如摧
枯拉朽探囊而取耳此我

皇上靖寇于七旬之內成功于大漠之西者然也
頑梗去則邊方靖邊方靖則遠人安從此敷
天絕疥癬之疾率土享寧謐之福

皇上又安中外之心慰矣時雍熙皞之化成矣蓋
由我

皇上以彼蒼仁愛之心爲心以乾元剛健之德爲

德不憚一身之煩勞而惟求萬方之康乂不
懷一時之安逸而必謹百世之防維猗歎休
哉臣于斯舉也管窺蠡測見我

皇上丕冒之至仁審機之至明經世之神武超越
從古英君哲后

聖德神功巍然炳然爲史冊所未有也豈臣寡聞

渺見所能摹寫其萬一者哉謹作頌九章以
附于賡颺之末云爾

一章

維

篤素堂文集卷二

辛

帝至仁覆燾惟均恩周九服化洽九賓誰其擾之
痾瘵在身曾經宥釋誓言載申

二章

維

帝至仁化被無垠狡寇鴟張如蠖抗輪自膏斧鉞
以警不臣彼投戈者咸與維新

三章

維

帝至仁德配高旻蕩蕩王路彼自罔遵立殲封豕
盡滌邊塵凡有血氣莫不尊親

四章

維

帝至明建威消萌雷霆之擊必待

親征中權黃幄西北連營神謀勝略巨憝以平

五章

維

帝至明紀律師貞壁壘宜肅鎧仗維精宣勞慰諭

以勵羣英

天戈所指計日功成

六章

篤素堂文集卷二

三

維

帝至明洞察彼情

六龍天降獸駭鳥驚自焚其巢宵遁西行一鼓而

殫值我勁兵

七章

維

帝神武策入其阻遐荒愚寇驚瞻葆羽如獸觸焚

如魚困釜奔突不遑執敢予侮

八章

維

帝神武赫然斯怒瀚海飛沙因憚勞苦自秉寶刀
躬持玉斧率師迅逐計日而五

九章

維

帝神武萬方作觀計安黎元冒寒觸暑七旬滅賊
歸歌杖杜偉烈英風超邁千古

篤素堂文集卷二

三

誠澤外溢對照英風發萬千古

帝神武萬方作觀計安黎元冒寒觸暑七旬滅賊

維

九章

帝神武萬方作觀計安黎元冒寒觸暑七旬滅賊

躬持玉斧率師迅逐計日而五

聖武三臨絕塞蕩寇功成頌

有序

皇帝承天景命臨御宇內勞

九重之宵旰謀萬姓之又安所以撫綏而教養之者至矣備矣蠲租之詔歲必數下史不絕書嘉惠元元動以數百萬計積貯之令行於豐稔徧於州邑所在有數十年之儲凡此無非爲百姓計也曩時三逆盤結爲天下之蠹將來必致荼毒生民於是

大奮威武翦除而廓清之蓋

聖人之心欲使薄海內外戴髮含齒之氓咸遂安

篤素堂文集卷二

重

養共樂生成同登仁壽之風永底時雍之化澆宮睿慮之所孜孜圖維自朝至於日中昃不遑暇食者惟在乎此也然又安中土之心甚切則不得不安邊徼欲安邊徼則不得不除寇賊此理勢之必然者斯時荒遠之區脫有梗

我

王化伏莽跳梁之人則將來必益爲邊患則必調發轉輸以遠煩禁旅勞頓九州之民此聖心所以倦倦焉爲國家計久遠爲生民謀休息爲萬世立太平必欲蕩滌此狡寇厄魯特噶

爾丹者蓋所以安邊塞也威遠人也實所以
又安中土也維丙子季春

聖躬親御六飛遠度瀚海戈甲耀日旌旗蔽空風
馳雲集俯瞰賊壘如自天而下爲狡寇之所
不及料披靡奔潰獸駭鳥散勁旅堵截一鼓
而草薶禽獮之賊雖遁跡荒遠而部曲盡矣
聖躬牧畜空矣奄奄之息何能久存據庸衆之識
似夏不煩

車駕之再臨王師之久駐乃而至滯爾
宸算制敵迥出尋常畱將軍於塞上以困蹙震悚

篤素堂文集卷二

之

聖躬以丙子冬復臨邊塞渡河至鄂爾多斯之地
經畫布置丁丑春又

親至寧夏駐蹕於狼居胥山遣師搜勦蓋

聖心以車駕逼臨其地則我之將士百倍奮勇而

彼之部曲惶駭離畔振如雷如霆之威兇渠

自禡其魄沛如雨如露之澤黨與咸貳其心

所以俘其子而來獻者彼之鄰國也遣使而

輸誠納款者彼之腹心也賊雖狡悍斯時四

顧無親入地無路以膏斧之軀爲飲鳩之計

惟有自卽殄戮耳安能出

聖謨成算之外哉總由我

皇上躬親指示奇正兼施恩威並用視絕域於掌
上羅獷獸于阱中故成功若斯之盛也蓋非
至明無以審機而不惑非至誠無以歷久而
不倦非至斷無以成功而不疑而總歸於
聖心之至仁視邊方爲一體而不忍數罹其災也
登寰宇于衽席而不忍以一事煩苦吾民也
是以

三次遠臨絕域跋涉山川冒觸寒暑

篤素堂文集卷二

五

親舉玉趾恒飲濁泉風雪則屏去帳殿減餐則俯
同士卒揮黃鉞以先驅環甲冑而達旦指麾
形勢則極在巘在原之勞籌畫機宜則窮九
地九天之秘焦勞煩苦不可殫述

聖躬皆親歷之仁天下子萬民之心至矣茂以加
矣今者逋寇悉平荒遠無不臣之國邊烽盡
息諸蕃皆樂利之年大功告成盛典斯舉以
副我

皇上又安中外之心成我

國家太和熙皞之化永永萬年至於無極臣竊

惟

聖武三臨絕塞殄寇寧民焜耀史冊上下千古無
與比隆謹撰頌九章以述盛烈頌曰

維丙子春

聖武丕揚組練十萬氣吞朔荒

帝親率之沙磧騰驤殲此獬獠膏我斧戕

右一章

維胸臚河遠帶荒服自

天臨之泉甘草綠立覆其巢揮戈西逐萬古不磨
聖人之圖

鶴素堂文集卷二

美

右二章

寇方奔突西遇我軍風掃霆擊狐兔披紛飽
我卒伍殄厥醜羣

神謀指授耆定大勳

右三章

維丙子冬雨雪載塗黃河曲呀

鑾輅馳驅除惡務本宜絕根株時哉勿失洋洋

聖謨

右四章

河流浩浩虎旅雲屯震之以武綏之以恩風

馳青塚化洽烏孫呼韓接踵稽顙

至尊

右五章

天與不取咎人所咷張我精銳儘彼饑疲乘
機維哲扼要乃奇

聖人之智匪眾所窺

右六章

維丁丑春經武西偏狼居胥山古史所傳
天子靺鞨威暢八埏遠鄙西漢勒銘燕然

右七章

篤素堂文集卷二

毛

都邑聚觀孽子成俘鷗張鉅寇一夕殄誅彼
脅從者咸輸爾手

巍功駿烈振古所無

右八章

玉關萬里靡塵不清覆載之內咸震
天聲外安中又億載功成金函玉檢永頌昇平

右九章

聖德勤民頌

有序

維丙子丁丑歲以春以冬

聖躬三駕絕漠以憂勞萬民之故爲久安長治計
踰越沙磧蒙犯霜霧濁泉菲食日以供御環
甲冑以終夕摩干楯而達旦北遡黃河西踐
狼居胥翦除狡寇以安邊圉以靖區夏使永
聖衷杜餽餉裹甲之萌

聖心之勤民深矣至矣不遑啓處三載于茲邇年
聖天以來中外無疥癬之疾服教畏神者遠自日
出扶桑極於流沙莫不梯山航海奉琛載贄
八字升平四民樂利皆

篤素堂文集卷二

天

聖天子之所經營締造櫛風沐雨垂四十年而致
聖心斯盛也承平奏矣

聖衷念此時四海之內爲民患而未至底定者則
莫大于河以言民生則淮揚千里未有奠居
以言國計則漕輓天庾爲南北咽喉之地以
言脩築則歲費水衡錢以鉅萬計以言泛溢
聖懷則城郭耕桑時時可慮是今日勤民之事洵
無有急于此者矣在河道諸臣或識困一隅
聖慮而不能周知全勢或苟且一時而不能經畫

久遠或拘守已見而不能廣集羣謀或徒糜金錢而不能收集成効我

皇上焦心勞思講求兩河者數十年考究形勢酌量高下揣度旱溢每廷議時恭聆

天語則羣心豁然蓋諸臣見其偏而

聖心見其全諸臣謀其暫而

聖心圖其久故燭火曦照若斯之懸絕也已卯歲

春

車駕臨河上

躬親指示淮黃之勢始洞若觀火諸臣奉

萬壽堂文集卷一

无

睿謨以集事而安瀾可永慶矣

聖心念治安天下之大計兵革旣息則莫要于察

吏寧民布德施惠以通輿情而聯衆志

巡幸東南頒布德音以次第舉行之留漕粟以平

糶蠲逋賦以阜民賦稅課以裕商廣取額以

任士滌除刑獄有釋過愆獎勵官方存問耆

老凡所以勤勞百姓者莫不周詳委曲殊恩

渥澤洋溢汪濊可謂至矣

鑿輿所蒞供給之費一絀一粟不以煩百姓嚴飭

從官無有侵擾

萬乘所歷市不易肆農不輟耕近光

天顏懽聲雷動焚香而祝

萬壽者所至填塞馬首如廣野雲屯滄海潮集

皇上皆溫顏慰諭之瞻雲就日真曠古之所希觀

蓋我

皇上以天下爲家故巡省風俗皆綢繆戶牖之計

也

皇上以萬民爲子故嬰孺遠膝皆撫摩顧復之恩

也且祇奉

慈宮朝夕承懽孝德超于千古率

篤素堂文集卷二

三

諸皇子左右提命景福邁于百王臣幸際昌時

恭聞盛美懽呼忭舞罔知所極不揣譎陋敢

撰蕪詞謹獻頌十章章八句

一章

賡颺

聖孝振古所稀金根玉輅日侍

慈闈萬姓稽首綵雲六飛以天下養六宇春暉

二章

河源星海淮號鴻流稽天浴日爲萬姓憂

親舉玉趾相度咨謀安瀾胥慶禹功式侔

三章

東南岳牧輯瑞來同哀對

天顏肅肅雍雍仁風翔洽愷澤醇濃四方民隱達

于

聖聰

四章

愛溥國儲軫此艱食糶逋已徵數盈萬億阜
民之生恤商之力堯衢蕩蕩載歌

帝德

五章

篤素堂文集卷二

三

百隼羣吏整飭聯常簡茲良牧寵以服章
訓舜溫萬錫賚輝煌時邁之典事在激揚

六章

龍旂所指嘉氣冲融釋辜宥過恩逮臣工桁楊
盡偃犴狴咸空無微不照上厓

宸衷

七章

天險山海保障熊羆是資訓練嫻習武不可弛爰
遵江浒營列水犀申明令甲以肅鼓鼙

八章

菁菁者莪育彼中陵采芹采藻集于泮林念
茲微末
聖澤溥承誦讀之士霞蔚雲蒸

九章

天章寶翰溥及臣隣人懷拱璧家蘊奇琛龍翔紫
渤鳳翥高旻名山福地光氣常新

十章

愛戴羣情如依父母如潮如海如林如藪扶
杖而迎亦有黃耆酌彼兕觥

天子萬壽

篤素堂文集卷二

三

聖德仁民天錫萬壽頌

并序

臣嘗竊考董仲舒有言曰人君每事未嘗不求端於天天以愛養生民爲心凡所以子惠而煦育之者一付于建極之一人恭惟我

皇上天亶至聖慈愛爲心仁育義正爲德臣自備

員史官以來侍

講筵直內廷者三十有餘年於

皇上早作夜思之際宵衣旰食之頃無一時不以愛養生民爲心無一事不以講求利濟爲主其養民也則田疇樹藝不厭其詳水旱災祲

篤素堂文集卷二

三

務求其備其教民也則敦本明倫必先其重人心風俗務底於淳蠲賦之多史冊罕聞每歲數百萬周流公溥海內無不被之德省刑則矜恤惻怛古刑期無刑之義寇攘蠹賊所以害吾民則變伐埽除之必盡雖

命駕三驅櫛風沐雨而不以爲勞水潦隄防所以

衛吾民則殫心竭慮方勵精于南而又營念于北務俾底定以利耕桑察吏則博求循良有一善之可以裨吾民必顯揚之不遺以至省方求瘼疾苦必聞懷綏遐方無遠弗届蓋

聖心無一念之不注意於斯民而天下之民涵濡沐浴于

聖人之心亦無不鼓舞振作樂利感戴

聖人之化熙熙皞皞如萬物之鼓動于太和而不覺以此而言德則曰盛德曰天德以此而言

仁則曰至仁曰純仁夫德既合天則天心眷

佑萬壽無疆之慶臣再賡天保九如之章矣

此臣悉之于數十年之久

起居必視警效必聞知之既真且熟而天下之

感頌

篤素堂文集卷二

言

聖人者在朝聞之在野亦聞之故不禁其言之詳

也獨臣年齒既老且謏陋無文不足以抒揚

萬一敢竭其愚陋而質言之謹獻頌曰食爲

民天古咎所陳祈穀

上帝必謹元辰苾苾禹甸耕穫昉昉一夫不耕上

塵

紫宸猗歟盛哉此

聖心養民之仁其一

聖有謨訓誥諭諄諄務去爾詐務返爾淳民之質

矣日月倫肅肅章縫咸捧

溫綸猗歟盛哉此

聖心教民之仁

其二

賦有常經宇內式遵孰是盡蠲振古莫倫動
以百萬大地皆春鴻慈浩蕩藏富于民猗歟
盛哉此

聖心蠲賦之仁

其三

大化翔洽間有未純欲並生哉入我陶甄赦
過宥愆咸與維新好生之德洽於蒸民猗歟
盛哉此

聖心欽恤之仁

其四

蠢爾弗率擾我邊塵侵軼疆圉荼毒生民

親舉玉趾三駕重申殲厥渠魁化彼未馴猗歟盛

哉此

聖心除暴之仁

其五

桑乾泛溢淮黃久堙謀民莫居蒞止河濱經
營胼胝不啻

躬親南耕北穫成功如神猗歟盛哉此

聖心底定之仁

其六

州邑遠吏撫民最親一善必錄簡畀

彤宸或臧或否民依是甄民所與者錫以

寵綸猗歟盛哉此

聖心察吏之仁 其七

詩陳時邁禮重躬巡閭閻疾苦

攷轡咨詢蒸蒸黎庶濟濟臣隣光天之下甘雨
陽春猗歟盛哉此

聖心省方之仁 其八

聖心凡在宇內覆載維均窮荒絕徼痲在身日
月所照聲教咸遵

淡恩渥澤蟠際無垠猗歟盛哉此
聖心懷遠之仁 其九

寫素堂文集卷二

三

維天蓋高穆穆化淳

一人體之徧育羣倫德積于世慶備于身于萬斯
年何福不臻猗歟盛哉此

聖心合天之仁 其十

篤素堂文集卷二 終



